

Na osnovu člana 17. stav 4. Zakona o lovstvu ("Službene novine Federacije BiH", broj 4/06), na prijedlog kantonalnih ministarstava nadležnih za poslove lovstva, federalni ministar poljoprivrede, vodoprivrede i šumarstva donosi

RJEŠENJE

O OSNIVANJU UZGOJNIH PODRUČJA ZA MEDVJEDA

I.

Ovim Rješenjem osnivaju se uzgojna područja u kojima postoje ekološki i prirodni uslovi za opstanak - uspješan razvoj i reprodukciju, mrkog medvjeda gdje je zaštićen lovostajem i u kojima se gospodari prema jedinstvenim kriterijima, i to:

1. Uzgojno područje "**Plješevica -Vitorog**" koje obuhvata staništa mrkog medvjeda u granicama općina: Bihać, Bosanska Krupa, Sanski Most, Bosanski Petrovac, Ključ, Drvar, Bosansko Grahovo, Glamoč, Livno, Tomislav- grad, Kupres, Bugojno, Donji Vakuf, Dobretići i Jajce.
2. Uzgojno područje "**Vlašić - Vranica**" koje obuhvata staništa mrkog medvjeda u granicama općina: Travnik, Novi Travnik, Zenica, Vitez, Busovača, Fojnica, Gornji Vakuf-Uskoplje, Kreševo i Kiseljak.
3. Uzgojno područje "**Konjuh - Gostović**" koje obuhvata staništa mrkog medvjeda u granicama općina Žepče, Zavidovići, Banovići, Živinice, Kladanj, Olovo, Vareš, Kakanj, Breza, Ilijaš, Vogošća i Sarajevo - Stari grad.
4. Uzgojno područje "**Bjelašnica - Čvrstica**" koje obuhvata staništa mrkog medvjeda u granicama općina: Goražde, Trnovo - FBiH, Pale-Prača, Foča-Ustikolina, Ilidža, Hadžići, Konjic, Prozor-Rama, Jablanica, Mostar i Posušje.

Karta uzgojnih područja za mrkog medvjeda nalazi se u prilogu ovog Rješenja i čini njegov sastavni dio.

II.

Planove gospodarenja mrkim medvjedom za uzgojno područje saglasno donose korisnici lovišta obuhvaćeni u granicama područja, a odobrava ih Federalno ministarstvo poljoprivrede, vodoprivrede i šumarstva.

Izvan uzgojnih područja mrki medvjed nije zaštićen.

III.

Danom stupanja na snagu ovog rješenja prestaje primjena Rješenja o ustanovljenju uzgojnih područja za mrkog medvjeda ("Službeni list SR BiH", broj 37/90).

IV.

Ovo Rješenje stupa na snagu narednog dana od dana objave u "Službenim novinama Federacije BiH".

Broj 07-02-128-4/08
septembra 2008. godine
Sarajevo

Ministar
mr. sci. **Damir Ljubić**, s. r.

